



Шагырейленну

Бу кюнледе Федерация Советни таматасы **Валентина Матвиенко** Кисловодскда болуп, Россейни эрттегили курортуну алгыннгы даражасын къайтарыу, аны жангыртуу жаны бла иш къалай баргъаны бла шагырейленгенди. Ол шахар паркда, «Розала ёзенінде», колоннада, Николай Чудотворецни таш сураты салынган жерде, «Шалыпинни дачасы» деген литература-музыкалы музейде болгъанды эмда арт жыллада иги жанына уллу тюрлениуле болгъанларын белгилегенди.

«Шахар тизгинли болгъанды, бир ненча объект жангыдан ишленгенди, законсуз къуру-



Кисловодск шахар тизгинин жыяды



лушла кетерилгенди. Тапландыругъа уллу эс бурулады, алай тюзетир затла да кепдиюле,- дегенди ол.

Парламентни огъаргы палатасыны башчысы санаторийле бла багъуу учреждениела солугъанладан къуру болмагъанларына да ыразы болгъанды. «Инвесторлагъа тап онгла къураладыла. Шахарда иги жанына тюрлениуле тохтап къалмазлыкъларына ийнаныргъым келеди», - дегенди.

«Баш нарзан ваннала» комплексни жангыртуу ишле не халда болгъанларына къарай баргъанда, спикер мекамны арендагъа беруу жаны бла конкурсу не къадагъа терк башларгъа кереклисин эсгертгенди. «Баш ишле тамамлангандыла. Комплекси тарых магъанасын, анда тамамлануучу жумушлары сакъларгъа керекди. Конкурс 1 октябрьден кеч къалмай бардырылсын», - деп къошханды.

Андан сора да, Валентина Матвиенко «Каскад тапкалада», тюрсюнлю музыкалы фонданта жангыдан ишлеп башлагъан майданда да болгъанды, шахарчыла бла селешгенди, шахарны эмда Миллет паркны тапландырууну юсюнден алауны оюмларына тынгылагъанды. Оноучулагъа уа Кисловодскну мекамларыны тарых сифатларын сакъларгъа кереклисин эсгертгенди.

Огъаргы палатаны председатели бла бирге РФ-ни Президентини Шимал-Кавказ округда толугъа эркинликке келечиси **Сергей Меликов**,

РФ-ни Шимал Кавказы ишлери жаны бла министри **Лев Кузнецов**, Ставрополь крайны губернатору **Владимир Владимиров**, Кисловодск шахарны башчысы **Александр Курбатов**, экономиканы айнытуу министрине орунбасары – Къырал ырысхыгъа оноу этиу жаны бла федерал агентствону таматасы **Дмитрий Пристансков**, Россей Федерацияны табийгъат байлыкълар эмда экология министрине орунбасары **Мурат Керимов** да болгъандыла.

Валентина Матвиенко Кисловодскну айнытууну 2020 жылгъа дери жарашдырылгъан программасын, Правительствоу шахар паркга Миллет деген ат атаууну, аны жумушлары бла кюреширик предприятие къурауну юсюнден бегимин да эсге салгъанды. РФ-ни Президентини буйругъу бла Кавказские Минеральные Водыни юсюнден закон жарашдырыла тургъанын, ол а регионду айнытуугъа жангы онгла къуар мурат бла этилгенин чертип айтханды. «Быйылны ахырына дери РФ-ни Правительствоу аны Къырал Думаны къарауна берир деп ышанабыз», - дегенди.

Ингирликде спикер бла Сергей Меликов Курортный бульварда тюрсюнлю музыкалы фонданны къууанчы халда ачылыуна къатышхандыла. Анда тыш къыраллы эмда ата журтлу жырчылары ауазларын, халкъ макъамлары да эшитирге боллукъду. Суу бюрюк «тепсеген» заманда уа ала кеп тюрлю бояула бла жарытыладыла.

Эл мюлк

Тирлик жыйыу тири бардырылады

Бахсан районну администрациясыны Эл мюлк управленисинден билдиргенлерине кере, Кишпек элде бюгонлюкде 50 гектар жерде къышлык ашылыкны жыйгандыла. Быйыл кюнню халы бир – бирледе артыкъ да къууандырмагъанлыкълары, тирлик иги болгъанды.

Ашылыкны битимлиги бир гектар жерден 30 центнерден асламды. Псыхурей элде уа бу кюрюмдю андан да ахшыды: мында бир гектардан 40 центнер алгъандыла. Бахсанёнок бла Куба элде да къышлык ашылыкны оруп башлагъандыла. Ала да бир гектардан 40 центнерден аслам мирзеу жыядыла.

Быйыл районда къышлык къылкылы мирзеуле 2609 гектар жерде ёсдюрюлгенди. Жууукъ заманда аграрчыла будайны оруп тебирерикдиле. Озгъан жылда жерчиликде урунганла тири къармашхандыла. Жерни жумушакъ сюрюлгени, тынгылы урлукъ себилгени эм тийишли мардада семиртичле-



ни хайырланганы иги тирлик ёсдюрюрге себеплик этгенди. Мирзеуно жыйыуда ишни тынгылы бардыруу баш магъананы тутады. Крем-Константиновское элде тыш къыраладан сатып алынган комбайнлары хайыр-

ланганларыны себинден жашил къудору къорансыз жыйылганды. Аграрчыла аны козлюкледен жарашдыруучу предприятиялагъа ташыгъандыла.

Бизни корр.

ФЕСТИВАЛЬ

Битеу къатышханлары байыкъландырыуу, шүёхлукъгъа бла бирлешууге алландыргъан амал

Нальчикде Музыка театры аллында шабат кюн Фестивальланы «NALCHIK-2016» халкъла аралы кинофестивалы къууанчы халда ачылганды. Алайда къараучу сюйген, билген фильмледен музыка, жырла эшитиле, халкъ майданга жыйылып, анга къатышырыкъланы сакъларгъанды. Бизни республикада бардырылгъан биринчи кинофестивальгъа Россейден, узакъ эмда жууукъ тыш къыраладан белгили актёрла, режисёрла келгенди. Аны кезиунде къараучула тюрлю-тюрлю премиялагъа тийишли болгъан он фильмге къараргъа онг табарыкъдыла. Ала Къырал концерт залда кёргюзтюллукъдуле.



Ахыры 2-чи бетдеди.

Мухамед Кодзоков бла Сергей Новожилов.



«Балкария» ансамбль.



Юрий Чернов.

ТЮБЕШИУ

Бийик баллары болгъанлагъа - кётюрюлген стипендияла

Бу кюнледе КъМКУ-да абитуриентле бла тубешиуле бардырыладыла. Аны магъанасы жаш адамгъа усталыкъ сайларгъа болушуу бла байламды. Университетни ректору Юрий Альтудов да кеп болмай школну бийик баллагъа бошагъанла бла жолукъгъанды.

Ол жашлагъа бла къызлагъа окуу юйде жангычылыкъланы юсюнден билдиргенди, жангы бёлюмле ачылгъанларын да туура этгенди. Эм иги окугъанлары даражалары да энчи боллукъун чертгенди. Эсге сала айтсакъ, быйыл школну бийик баллары бла бошагъанлагъа биринчи семестрде университет ай сайын он минг сом стипендия телерикди.

Жыйылыуда жаш адамла, университетни жаратханларын билдирип, сайлагъан усталыкъларыны юсюнден селеширге излегенди. Ахырында ректор къайсы вузда окусагъыз да, билимми, чынтты устала болургъа итингиз деп, алагъа жетишимле тежегенди.

Бизни корр.



Пенсия фонда

Аналыкъ капиталны алыу женгилленгенди

Алгъаракъланда билдиргендизча, аналыкъ капиталдан бир кереге 25 мингни неда андан азыракъ ахчаны алыргъа эркинлик этилгенди. Бу жумушну энди бютонч тамамларгъа боллукъду: ахча алыуну юсюнден заявленияны фондха аны Интернетте сайтыны юсю бла иерге жарарыкъды – **prff.ru**, учреждениены кесине барыргъа керек туююлду. Алай бла Пенсия фонд жумушлары электрон амалла бла жалчытууну айнытады, аны хайырындан инсан бу жаны бла ишлерин юйюнден чыкъмагъанлай окууна

тамамлааллыкъды. Бу ахчаны аналыкъ капиталны 2016 жылны 30 сентябрине дери алгъанла эм аны толусунлай жоуп бошамагъанла хайырланаллыкълардыла, сертификатны алыргъа эркинлик берген сабий къачан туугъанына къараллыкъ туююлду. Алай заявленияны уа 2016 жылны 30 ноябринден кеч къалмай берирге тийишлиди. Анда сертификатны сериясын бла номерин, сётну реквизитлерин жазаргъа керекди, ахча заявление берилгенден сора эки айны ичинде сертификатны иесини сётуна ётдюрюллукъду.

Россейни Пенсия фонду сертификатны иелерин банклары реквизитлерин халатсыз жазаргъа, электрон заявленияны фондну сертификатны берген жер-жерли бёлюмюне иерге кереклисин эсгертеди. Эсигизге салыйкъ, фонд электрон халда тамамлагъан жумушлары тизмелери аны сайтында салыныпдыла. Ала бла хайырланыу ючюн, инсан фондну порталында регистрацияны ётерге борчлуду. Эсепте ары дери тюшген эсе уа, логинин бла паролон жазаргъа керекди. Адамлагъа таплыкълары фондну клиент службаларында специалистле

инсан эсепде болгъанын бла къалгъанын билдирликдиле. Бу иш былтыр май айда бардырылып башлагъанда, фондха бла Кёп функциялы аралагъа 900 минг адам келген эдиле, алагъа очередьде кезиулерин кеп заманны сакъларгъа да тюшгенди. Заявленияны Интернет бла беруу а жумушугъузу заманны бошуна къоратдырмай тамамларгъа себеплик этерикди, деп билдиредиле Пенсия фондну республикада бёлюмюню пресс-службасындан.

КУЛЬЧАЛАНЫ Зульфия.

Тёлеулерин болжалгъа салгъанлагъа тазирлени саны ёсерикди	Юйю жангыртууну тюзге санагъандыла	Билимсиз - айнытуу да жокъ	«Жарауладан тышында, окууларына да къайгырабыз»	Иги харбыз къайсыды?	Хунерлиге - махтау сёзле, диплома, грамотала
3 бет	3 бет	3 бет	4 бет	4 бет	4 бет

Битеу кытышханланы байыкъландырыуыгъа, шүёхлукъгъа бла бирлешууге алландыргъан амал

Ахыры. Аллы 1-чи бетдеди.

Жыйылгъанлагъа быйыл Кинону жылы болгъанын эсгерте, байрамны ачылгъанын РФ-ни Кинематографистлерини союзу секретары **Сергей Новожилов** билдиргенди эм алгъа ол кызыл кюйюзно юсю бла барырга республикада бу сферагъа кеслерини юлюшлерин кыошхан-

ланы чакъыргъан тюз боллугъун айтханды. Биринчиле болуп бу жолну белгили кинорежиссёр **Владимир Вороков** бла **Рина Мартиросова** ётгендиле.

Аланы ызларындан **Руслан Фиров** (РФ-ни искусстволарыны сыйлы кыулукъчусу), КЪМР-ни сыйлы артистлери **Мухадин Кумахов**, **Юрий Балкаров**,

РФ-ни сыйлы артисти **Бапыналаны Зариф**, КЪМР-ни сыйлы артистлери **Къулийланы Элизат**, **Мамайланы Фатима**, **Мызыланы Таубий**, **Мырзаланы Солтан**, **Рамазан Люев** эм бирсиле баргъандыла. Республиканы халкъ артистлери **Жанна Хамукова**, **Людмила Шереметова** да алайгъа келгенлени сыйлы жолчукъ бла барып кыуандыргъандыла.

Андан сора кезиу кыонакълагъа жетгенди. Аланы санында Россейни халкъ артистлери **Лариса Лужина**, **Юрий Чернов**, **Наталья Гвоздикова**, **Сергей Шакуров**. Дагъыда **Рафаэль Гаспаряц**, **Лиза Арзамасова**, **Тынчтык Абылкасымов**,

Нальчик бу төрт кюнню ичинде халкъла аралы маданият байламлыкъланы кючлендирген майдангъа айланырыгъы да. Андан сора да, Юрий Александрович аны ишине кытышханланы барысына да жетишимле тежегенди.

Сергей Новожилов а, ингирни андан ары бардыра, аны «Товарищ кино» деген барыбыз да билген ахшы тереге кёре кыуралгъанын чертгенди. Сора кыраучула фестивальгъа кытышхан он фильмни кысыха рекламаларын кёргенден сора сахнагъа Владимир Вороковну чакъыргъанды. Ол кезиуде уа экранда «Свадьба на Тереке» фильмни юзюю - келлин келтирген кезиу -

кёргозюлгенди. Владимир Халидович бу чыгъарманы баш борчу да ол - ахшы адетлени келир тёлюлеге сакълау - болгъанын айтханды. Россейни, КЪМР-ни да Культура министрстволарына, Кинематографистлерини союзларына бу ахшы жумушну бизде бардырылгъанына ыразылыгъын билдиргенди.

«Вершины не спят» деген фильмни фрагментинден сора уа сахнагъа Руслан Фиров чыкыгъанды. Ол: «Бююнню сценарийге тийшилиликде не тепсерге, не жырларгъа керек эдим да, залда олтургъан тишируланы барысына да жоралайма», - деп, лирикалы назму окъ-

жыры эшитдиргенди. «Большая перемена» Наталья Гвоздикова кыурагъан сыфат да кеплени эслериндеди. Ол а Александра Пахмутованы «Старый клёнун» айтханды. («Девчата»).

Баям, «Доживём до понедельника» деген фильмни сюжетин, артистлерин жаратмагъан хазна болмаз. Мында устазны ролун Вячеслав Тихонов ойнайды. Экилеге окъуу гъан Сыроматниковну уа кыалай унутхун. Аны сыфатын Юрий Чернов кыурагъанды. Ол бу роль аны биринчи иши болгъанын, ызы бла анга кеп заманы ичинде кыйын кылыкъланы, ичгичилени, законнга сыйынмагъанланы ойнап турургъа

тошгенин да айтханды. Юйдегиси Нальчикден болгъанын, ала бирге 38 жылны жашап келгенлерин билдирип, мында халкълагъа монглукъ, ырахатлыкъ тежегенди.

Республикагъа биринчи кере келгенин, аны халкъын жаратханын жаш артист Лиза Арзамасова да айтханды. Биз бу ариу, бирсиле ушамагъан кызычыкъланы «Папины дочки», «Поп» деген фильмден билебиз. Аны уллу фахмусу болгъанын Сергей Новожилов да чертгенди. Ол бююнлюкде журналистика бла да кюрешеди. Эм кыйынна саналгъан ишге - иконала жазаргъа - да юйрене турады.

Къулийланы Элизат, жыйылгъанланы алларында сёлеше, фестиваль бла алгышлап, Къайсынын назмуларын орус, малкъар тилде да эшитдиргенди. Ол кезиуде экранда акъылманни сураты кёрюноп тургъаны уа, хычыуун болгъандан сора да, кыонакъла бизни айтхылыкъ адамларыбызны, аланы фахмуларын да билирча амалды.

Залдагъыла Дин Фангъа да жылы тубегендиле. Сергей Владимирович 15 жылны кеси Къытайда ишлегенин билдирип, бу жаш артистни «Экипаж», «Война четырёх принцев» деген фильмде ролларыны юсюнден да айтханды. Аны бла бирге уа фестивальгъа атлары айтылгъан, белгили адамла бла бирге жангы тёлү да кыатышханы ахшы шарт болгъанын, ол байламлыкълагъа жол ачханын белгилегенди. Алла уллу жумуш кинематографияны айнытыргъа,



Мухадин Кумахов.



Владимир Вороков бла Рина Мартиросова.



Тынчтык Абылкасымов.



Лариса Лужина.

у гъанды. Бу ингирде дагъыда бар эдиле поэзияда кеслерини фахмуларын ачыкълагъанла. Алагъа культура министр Мухадин Кумахов да кыошулгъанды. Аны чыгъармачылыкъ жолгъа энди атлам этген кезиуонде жаш артистни - жигитини жюрек сезимин ачыкълагъанына кыараучу сейир этип кыарагъанды («Аул Бастунжи»).

Быйыл «Вертикаль» деген фильмге 50 жыл толлугъун билебиз. Анда Лариса Лужина ойнагъанды. Ол, бу чыгъарманы юсю бла ариу жерлени кёргенден сора да, ахшы адамла бла тубегенин айтханды. Тауланы сейир кючлери кеслерине тартханын да. Артистка залдагъылагъа бу чыгъармагъа Владимир Высоцкий энчи жоралагъан «О друге» деген



Дин Фан.



Къулийланы Элизат.



Наталья Гвоздикова.



Мамайланы Фатима.

Эдикс Залокс, Дин Фан эм кеп башхала бардыла.

Андан сора кыуанчлы жыйылыу мекямын ичинде болгъанды, аны да Сергей Владимирович бардыргъанды. Ол фестивальны магынасыны юсюнден айта, аны Нальчикде кыуралгъанын ахшы шартханагъанын, аны кезиуонде кыараучу кесине сейир боллукъ теманы сайлап алыгъын да белгилегенди.

КЪМР-ни Башчысыны Администрациясыны таматасы **Мухамед Кодзоков** а Юрий Ковковну алгышлауун окъу гъанды. Анда фестиваль жалаңда бизни регионнга угъай, саулай кыралгъа кыуанч болгъаны айтылады.



кыараучу излемлерин билирге, режиссёрлукъ жаны бла сынагъа юренирге да ахшы амалды, дегенди.

Ингир таза да байрамгъа айлангъан эди. Ол кюнню концертте Текуланы Амур, «Балкарзия» кыырал фольклор-этнография тепсеу ансамбль, Султан Хажироко, «Кабардинка» кыырал академиялы тепсеу ансамбль эм бирсиле кыуат бергендиле. Фестивальны чеклеринде бююн «Джулия

и мы» (Италия), «Невпрудых» (Польша), «С пяти до семи» (Россия) эм тамбла «Гражданин» (Польша) деген фильмлеге кыаргъа боллукъду. Ала башха-башха кыыраллада алчы жерлеге чыкыгъанларын эсге алсакъ, бизде кинону суйгенле да сейир боллукълары баямды.

МОКЪАЛАНЫ
Зухура.
Суратланы
ХОЛАЛАНЫ Марзигат
алгъанды.

Футбол

Футболдан 2005 жылда тууганланы араларында бардырылган «Север Кавказы кубогуну» эм сейир кезиуу жетгенлей, командада жай каникулга ча...

«Жарауладан тышында, окъууларына да къайгырабыз»

- Анзор Миронович, окъуучуларыгыз былай жетишимли боллукду деп сактаймы эдигиз? - Сёзсөз! Мен, тренерле Гия Лобжанидзе...

туирни ахырына дери бармазча сылтаула табаргъа кюрешедиле. Тюзон айтханда, хорлата тургъанла кубокну тохтатыргъа...

жауаплыкыны сезерге тийишлиди. Быллай ахшы башламчылык бош сылтаула бла кырууп калса, бек ачыулу боллукду. - Тренерле, команда бла да шагырейлендирсеги эди. - Тренерле Гия Лобжанидзе...

Бегим

Хакъны бек аз ёлчеми тюрленгенди

Россей Федерацияны Социальный страхованияны фонду КъМР-де регион бёлюму билдиргенге кёре, 2016 жылны 1 июлундан башлап иш хакъны бек аз ёлчеми (МРОТ) тохташдырылганды. Ол бир айгъа 7500 сомгъа жетгенди. Республикада айлыклары 7500 сомдан аз болгъанла бар эселе, (8662)76-02-28,

Жай солугу



Хунерлилеге - махтау сёзле, дипломла, грамотала

Бу кюнде Черек района «Радуга» сабий сатда «Мисс Дюймовочка» деген сейирлик конкурс бардырылганды. Анга учрежденияны тамата эмда аладан кичирек къауумлары къатышганды. Къызчыкыла юретиучулеры эмда художестволу башчылары Мокъаланы Раиса бла бирге байрамгъа сау йыкыны ичинде тынгыла хазырлангандыла. Къызчыкыла «Узун чач», «Сабий къауум бек жаратхан», «Эм иги жырычы», «Кючбюсюреу» эмда башха номинациялада хунерликлерин кёргозгандыла. Ахырында учрежденияны оюучулары, конкурса къатышханла барысы да ариучукыла, хунерлиле болгъанларын чертип, дипломла, грамотала, саугъала да бергендиле. М.АДИЛОВА.

Татлы кезиуу

Иги харбыз къайсыды?

Жай чилле жетгенлей биз барыбыз да ашыгып саклагъан харбыз сатылып башлайды. Аны Дагъыстандан, Астрахандан, кесибизде Прохладнадан эм башха жерледен да келтиредиле. Сатычулары къайсы бири да кёгетлерини бал кибик татлылыкын, экология жаны бла да тазалыгын махтаидыла. Анга алданган да этебиз. Билип къалай сайлайык аны? Ма бир къауум жорукъла. Улуу харбызгъа алданыргъа керекмейди. Бизни хауабыз бахаллада кёгетлени деу уллары ёдюрюорча туюлдо. Алай эсе уа, аланы семиртич...



шил эсе, аны кезиуу жетгинчи юзгендиле. Андан сора да, бишгенин жыйысында да сезарчады. Интернет.

Жорукъла

Граждан сауутну къалайда хайырланьыргъа эркинлик барды

КъМР-де МВД-ны лицензия-эркин этуу бла энчи детектив эм кыруулау иш жаны бла арасы граждан сауутланы тутханланы аны эркин берилген энчи жерледен тышында хайырланмазгъа чакырады. Эсге салыйык, бу жаны бла бузукълукъла салгъанла «Ушкюкден эркин берилген жерледе жорукъланы толтурмай атдырыу неда жабылгъан зонада атдырыу» Россейни законодательствосуна кёре административ жууалпа тартылдыла. Статьягъа кёре, алагъа 40000-50000 мингге дери табир салынады, ушкюклары, окълары да сыйырыладыла неда жыл бла жарымдан юч жылгъа дери ушкюкн сатып алыргъа бла ююнде тутаргъа неда биргесине жюрютюрге эркин этилмейди. КъМР-де МВД-ны пресс-службасы.

Оюм

НАТО-гъа энтта да не керекди?

Варшавалы саммитте НАТО төрт батальону Балтияны кыралыгында бла Польшада тохташдырыргъа, андан сора да, Альянсы кючюн Къара тенгиз регионда да кенерттирге деген оюнуу кыабил кёренин билдиргенди. Алай НАТО-ну Генсеки Й. Столтенберг «Европада чеклени торлендирге аскер кючю хайырланьыргъа излегени» ючюн Россейге кёлкълдысын букъурмаганлай, аны бла диалог кыуаргъа улгай демегенин да билдиргенди. Хар жерде да «орусуланы кюркытууларын» кёрюрге термилуу сезимни хорларгъа уа кыйынмыды?

Столтенберг НАТО-ну алчы келечиле - АБШ - айтыргъа сыйгенин эшитдиргенди. Блокну аскер кючюне сексен процентин Бирлешген Штатла жалчытадыла. Альянсны бюджетини да алтмыш - жетмиш проценти да америкалы ахчандан кыуалады... НАТО-ну генсекине орунбасары америкалы А. Вершбоу АБШ «Россей бла кёнге дери созулгъан стратегиялы кыажуулукъгъа» хазырлыкын алгъаракълада ачык билдиргенди. Аны алай нек болгъаны да анылашымлыды. Россей Европада ала тутхан биринчиликке кыаршы болгъанды. Токъсанчы жыллада америкалыгъа къайда сойселе учханларына, кеслерини аскер юретиулерин бардыргъанларына, Россейде уа бу жаны бла ахча жетишмегенине юйренип квалгъандыла. Ала кеслери кеслерин Россей төрели сауутда, кючде, технологиялада иги да артка квалгъанына, энди бу жаны бла болум ахырысы бла да торленмезилгине ийнандыргъандыла... Биз бир-бир затлада артка квалгъан эсек да, ядэрный кыолайлыкыбыз бир жары кетмегенин эсерттирге тошгенди ол заманда Путинге. Ызы бла аскерни, сауутну жангыртуу программа башланганды, аны себепли Россейни кыарысузлугъуну, артка квалгъанын юсюнден хапарла кеслери алларына кетерилгендиле. Биогюлюкде барысы да аны...

гылайдыла кыралыкыбыз Америка бла тенг жорукълада иш бардыраллыкын. Хау, алыкыа кереклисиз кыолайлыкыбыз жокъду, алай тийишли политика оюну чыгарылганды. Барысы да биледиле, орусула кимле болгъанларын, «Хар зат фронтха, хар зат хорламгъа» деген чакъырым бошдан айтылмагъанын: керек болса, орусула белин кыаты тартдырылганды, алай оборона кючге кыоранчланы уа кыасхартырык туюлдо, бютюн ёдюрден этерикди... Ол АБШ-ны бек жарсытады. Ала ангылайдыла Россейни тортюрге кюрешиу игиге келтирмезилгин. Алай Америкагъа, сёзсөз, кёпле оюмларын синдиртирге кюрешедиле, ол санда полякыла да - ол Варшавалы саммитде да кёрюне эди. Кърымдан сора Штатла Россей бла уруш окъуна ачаргъа тийишли сунгандыла ала. «Восток жанындан кюркытуудан» жакълауу да излейдиле. Алагъа прибалтыла да кюшулгандыла: Вашингтон Вильнюсун, Риганы, Таллинни кыорууларыгын бла каллыгын аныгъалаймадыла. Америкалыла союзниклерин тынчайтыргъа керек боладыла: кюркымагъызы, атарык туюлдо бюз сизни, дегенин айтханча этип. Анданды бу кыраллагъа кыошакъ батальонланы кийиргенлери, кенг юретиуле бардыргъанлары да... Мен а НАТО-ну алчыларына бу затлагъа азыракъ эс бурсала иги эди деригим келеди, хар жерде «орусуладан кюркытууну» кёргенлеге уа психиатргъа барсала ахшыды... Столтенберг сагъынган «чеклени торлендируню» юсюнден айтханда уа... Хау, Кърым бла байламлы даулашала энди озгъан замандадыла. Запад аны бла келиширге керекди. Алай бизи энтта да бир башха чеклени торлендирге «хазырлыкыбызны» юсюнден айтхан - ол магъанасыз сёздю. Америкалыгъа, полякылагъа бла прибалтылагъа азыракъ тынгылап, тюз акыл этселе игиди. Эмда керти кюркыулагъа тири кыажуу суюлере тийишлиди - сёз ючюн, террорчулукъгъа. «Аргументы и факты».

Кетип, артха къайтмагъанды

Россейни МВД-сыны «Баксанский» бёлюму Кудавев Толя Барасбиевични къайда болгъанын тохташдырады. Ол 1940 жылда тууганды, Бахсан районда, Исламей элде, Красноармейская орамда жашайды. Быйыл 18 мартда ол юден кетип, бюгюннге дери къайда болгъаны белгисизди. Аны шартлары: 75-80 жыл толгъанга ушайды, арыксыууду, чаын чал басынды, кёлзери мордула. Юсюнде кийимлери: къара кёчкелери, тобугъуна дери жетген къара пальтосу, милициячыла кийген кыулакылы бёркю, къара чуруклары, эшилген жюк чындайлары бар эдиле. Республиканы хурметли жамауаты! Кудавев Толя Барасбиевични къайда болгъанын юсюнден бир жукъ биле эсегиз неда аны кыайдагъысын тохташдырыргъа болушурук шартла бар эселе, бу телефон номерге сёлеширгизни тилейбиз: 8 (86634) 4-11-11 эмда 02. Неда полицияны жууукъдагы бёлюмюне белгили этигиз.

Аманлыкъ этгенине ишеклидиле

Россейни МВД-сыны Чегем районда бёлюму Кишев Султан Башировични къайда болгъанын тохташдырады. Ол 1964 жылда тууганды. КъМР-де, Чегем районда, Чегем-2 элде, Боготова орамда жашайды. Ол Россейни Уголовный кодексини 327-чи статьясыны 4-чю кесегине бузукълукъ этгенине ишеклик барды. Республиканы хурметли жамауаты! Кишев Султан Башировични къайда болгъанын юсюнден бир жукъ биле эсегиз неда аны кыайдагъысын тохташдырыргъа болушурук шартла бар эселе, бу телефон номерге сёлеширгизни тилейбиз: 8 (86630) 4-23-79; 02. Неда полицияны жууукъдагы бёлюмюне белгили этигиз.

УЧРЕДИТЕЛЬЦЕ: КЪАБАРТЫ-МАЛКЪАР РЕСПУБЛИКАНЫ ПАРЛАМЕНТИ БЛА ПРАВИТЕЛЬСТВОСУ

Баш редактор АТГАЛАНЫ ЖАМАЛ РЕДАКЦИЯНЫ: ЖАНГОРАЗЛАНЫ Нажабат (баш редактору орунбасары) ТЕКУЛЛАНЫ Хауа (баш редактору орунбасары) ТОКЪЛУЛАНЫ Борис (жууаплы секретарь) МОКЪЛАНЫ Зукура (кыулура бёлюму таматасы) ТИКАЛАНЫ Фатима (жамауат-политика жашау бёлюму таматасы)

ТЕЛЕФОНЛА: Редактору приёмный - 42-63-01. Баш редактору орунбасарлары - 42-38-21, 40-04-82. Жууаплы секретарь - 42-66-85. Секретариат - 40-93-62. Корректорла - 42-63-52. РЕДАКЦИЯНЫ БЁЛЮМЛЕРИ: Жамауат-политика жашау - 42-24-02, 42-67-68. Култура - 42-75-82. Социальный-экономика - 42-66-73, 40-59-18. Жангылыкъла эм спорт - 40-39-93, 42-66-71. Окъучула бла байламлыкъла жюрютюу эм реклама - 42-37-94. Энци корреспондент - 42-68-72. Тилманчла - 40-28-97. Бухгалтерия - 42-30-87. Операторла - 40-28-49, 42-39-65.

Редакция авторла бла кыагыт жюрютмейди. Кыол жазмалагъа рецензия этилмейди эм ала артка кыайтарылмайдыла. Газетде басмаланган материалда айтылган оюмла редакцияны оюму бла келишимге боллукъдула. Алада айтылган хар зат ючюн Россей Федерацияны Басмаы юсюнден законна тийишлиликде материалланы авторлары кеслери жууаплыдыла. Редакция авторладан 400 газет тизгинден (машинак бла жазылган 5-6 бет) кеню алмайды. Газет Басмаы эм асламлы информацияны эркинликтерин кыоруулау жаны бла Къабарты-Малкъар регион инспекцияда 1994 жылда 14-чю июнда регистрация этилгенди. Регистрация номер—Н—0066. Индекс - 51532

Газетни басмагъа КъМР-ни Басма эмда асламлы коммуникацияла жаны бла кырал комитетини компьютер службасы хазыр этгенди. Газет «Тетраграф» ООО-ну типографиясында басмаланганды. Нальчик шахар, Ленин аты проспект, 33 Газетлени ислерине тапдыруу ючюн КъМР-ни почта связыны федеральный Управлениасы жууаплыды. Телефонла: 76-01-28, 76-01-10 Газетлени розницагъа сатуу ючюн КъМР-ни «Роспечат» акционер обществосу жууаплыды. Телефон: 42-69-34

Номерге графикте кёре 19.00 сагъатда кыол салынады. 20.00 сагъатда кыол салынганды. ГАЗЕТНИ НОМЕРИН ЧЫГАРГАНЛА: Жангоразланы Нажабат - дежурный редактор; Кетенчиланы Зульфия - жууаплы секретары орунбасары; Бийчеккуланы Жаннета - (1,2-чю бетле), Геляланы Валентина - (3,4-чю бетле) - корректорла. Тиражи 2100 экз. Заказ № 1008 Багъасы 10 сомду.

РЕДАКЦИЯНЫ ЭМ ИЗДАТЕЛЬНИ АДРЕСИ: 360000, Нальчик шахар, Ленин аты проспект, 5 электрон почта: elbor_50@mail.ru